



UNIVERSITÄTS-
BIBLIOTHEK
PADERBORN

Universitätsbibliothek Paderborn

Mater Amoris Et Doloris

Ginther, Anton

Augustæ Vindelicorum, 1711

VD18 15312348

Consideratio XXII. B. Virgo etiam in nuptiis Cananæis Dolorosa, quæ non rogata neosponsis benignè succurrit. Emblema. Sol oriens, & universis, tum bonis, tum malis lumen suum impertiens cum ...

[urn:nbn:de:hbz:466:1-47286](https://nbn-resolving.org/urn:nbn:de:hbz:466:1-47286)

CONSIDERATIO XXII.

B. Virgo etiam in nuptijs Cananæis Dolorosa, quæ non rogata Neosponsis benigne succurrit.



*Et deficiente vino, dicit Mater JESU ad eum:
Vinum non habent. Joan. 2. 3.*

*E*ritò in Sacris Litteris commendatur formosa illa & officiosa Rebecca, quæ Eliezer servo Abrahami primario ab itinere lasso non duntaxat potum frigidæ ex hydria, quam portaverat, promptissimè subministravit, sed & camelis ejus non requisita, aut rogata liberaliter aquam obtulit: *Quæ respondit: Bibe Domine mi; celeritèrque deposuit hydriam super ulnam suam, & dedit ei potum. Cùmque Gen. 24. 18.*
Mater Dolorosa, Z ille

ille bibisset, adjecit: *Quin & camelis tuis hauriam aquam, donec cuncti bibant, effundensque hydriam in canalibus, recurrit ad puteum, ut hauriret aquam: & haustam omnibus camelis dedit.*

En typum in Sacratissima Virgine MARIA expletum, quæ non solum ad se fugientibus, sed etiam subinde non se invocantibus, aut rogantibus gratiarum fontem adaperire solet; imò & injustos ac peccatores, qui per camelos deformes, & gibbosos rectè adumbrantur, non à se repellit, sed omnes tanquam benignissima Mater ad se invitat: *Transite ad me omnes, qui concupiscitis me, & à generationibus meis implemini.* Audi & Richardum à S. Victore de prompta ac gratuita hac opitulandi B. Virginis voluntate in hæc verba scribentem: *Velocius, inquit, occurrit ejus pietas, quam invocetur, & causas miserorum anticipat; Non ab similibus fontem, qui non sibi, sed alijs tantum non poscentibus in commodum fluit, unde Lemma accep*

Non poscentibus offert.

2. Perelegantem hujus veritatis probam nobis exhibent Sacre Paginae, dum hæc piensissima Virgo pauperum & sæcularium nuptijs interesse non dedignata est: *Nuptie facte sunt in Cana Galilee, & erat Mater JESU ibi.* Et quid, obsecro, Mater JESU in nuptijs? Speculum omnis sanctitatis, norma vitæ & disciplinæ, ac perfectissimum virtutum omnium exemplar in nuptijs? quem, obsecro, hæc consideratio prima facie non in admirationem rapiat?

Suspende judicium anime mi! Nuptias has juxta Cornelium & alios celebrabat Simon Cananæus, postea Apostolus, qui erat filius Cleophae fratris S. Josephi, Christi Patris Nutriti, & Sponsi B. V. Mariæ dignissimi; vocata est autem hæc Sacratissima Deipara ad nuptias, prout observat Euthymius, tanquam familiaris & cognata, ut per præsentiam suam non tam Sponsos honoraret, quam & eorum paupertati consuleret, atque pro viribus eos adjuvaret; proinde existimat S. Bonaventura, quod convivio minimè accubuerit, sed velut sollicita Martha in domo Neosponsorum ministraverit.

Vocatus est autem & JESUS, tanquam consobrinus Sponsi cum aliquot Discipulis, puta: Nathanaële, Philippo, Petro, & Andrea, qui primò à Christo vocati sunt; & cum vinum paulatim deficeret, ne Sponsi coram invitatis confunderentur, mitissima Virgo Filium accessit, eique vini defectum non rogata modestissime in-

finu-

sinuavit: Dicit Mater JESU ad eum: *Vinum non habent.* Supra S. Bernh. ser. 1. in Dom. 1. post Oct. Epiph. quod mellifluè Mellifluus Bernhardus: *Compassa est enim earum recundia, sicut benignissima. Quid de fonte pietatis procederet nisi pietas? Quid, inquam, mirum, si pietatem exhibent viscera pietatis?* Vide hic, & considera anima Christiana, quàm benigna ac misericors in miseros mortales semper extiterit B. Virgo & Mater pulchræ dilectionis, non enim ignara malis miseris succurrere didicit, quia & ipsa omnigenis per omnem vitæ cursum miseris & adversitatibus, ita DEO permittente, exercita fuit.

3 Neque hoc beneficium hæc pientissima Mater à Filio, vel imperando, quia *erat subditus illi*, vel impensius rogando postulavit, sed permodestè tantummodò ei indicavit: *Vinum non habent.* Ita & duæ sorores Martha & Magdalena per submissum nuntium fratris sui Lazari infirmitatem indicârunt: *Domine: Ecce quem amas, infirmatur*; supra quod pereleganter Magnum illud Ecclesiæ fidus S. Augustinus: *Non dixerunt: Veni; amanti enim tantummodò nuntiantum fuit: Domine, ecce quem amas, infirmatur; sufficit, ut noveris: non enim amas, & deseris.* Observa hic peculiarem modestiam ac prudentiam preciosissimæ Virginis.

Verùm quid ad hoc JESUS morum Magister & temperantiæ exemplar? *Nondum*, inquit ad Matrem, *venit hora mea.* O bone JESU! qualis ergo hæc hora fuit? *Hora passionis*, subintrat hic iterum D. Aurelius Augustinus, ubi in crucem suffixus, ac moriens Salvator charissimam Matrem suam dilecto Discipulo sub cruce stanti commendavit: *Ecce Mater tua; & ex illa hora accepit eam Discipulus in sua.* O tristis hora! adverte anime mi, quomodo mitissimus JESUS tuus etiã inter medias nuptiarum delicias suæ amarissimæ passionis & crucis non immemor esse voluerit; adeò nihil in orbe faustum, jucundum & deliciosum est, quod non aliquâ miserâ, felle & absynthio est permistum. Proinde anime mi, B. Virginem Deiparam etiã inter medios nuptiarum plausus/consistentem rectè Matrem dolorosam appellare poteris, non enim illius horæ, à Filio tunc prædictæ, & paulò post secururæ ignara fuit: *Sic semper*, inquit ipsa ad S. Birgittam, *erat mixta letitia mecum dolore; & S. Irenæus: Fervore quodam ducebatur Deipara bibendi Sanguinis Christi poculum.*

4. Elucet autem in his nuptijs Cananæis singularis pietas & misericordia Sacratissimæ Deiparæ, quæ tunc cum Noëmi ad pauperes

Ruth. 1. 13. peres Neosponfos meritò dicere poterat : *Quia vestra angustia magis me premit ; & licet videatur Christus duriusculè Matri suæ esse locurus : Quid mihi & tibi est mulier ?* Quæ tamen verba , prout notat S. Justinus , non indignantis , aut objurgantis erant : *Non , inquit , objurgandæ Matris causâ à Salvatore dictum est : Quid mihi & tibi est mulier ? Non enim Christus Matrem verbo objurgavit , quam re honoravit , & ad illius instantiam protinus miraculum edidit ; unde mitissima Virgo optimè intelligens dilectissimi Filij sui loquentis verba & animum , sciensque Filium concessurum , quod ipsa petierat , mox ad ministros conversa dixit : Quodcunque dixerit vobis , facite .* Et si olim Salomon Matri dixit : *Pete Mater mea , neque enim fas est , ut avertam faciem tuam ;* quomodo , obsecro , Christus , qui plus est , quàm Salomon , publicè in nuptijs confundere poterat faciem Matris suæ tam dilectæ ? *Impossibile est ,* ait S. Antoninus , *eam non exaudiri , quod eò magis debet verificari de oratione Virginis ejusdem nunc in cælis gloriose .*

Neque mysterio vacat , quòd Sacratissima Deipara à dulcissimo Filio vinum postulaverit , vinum enim lætitiæ & consolationis Symbolum esse solet juxta illud Regij Vatis : *Vinum letificat cor hominis ;* & Sapiens : *Date siceram mœrentibus & vinum his , qui amaro sunt animo : Bibant & obliviscantur egestatis suæ , & doloris non recordentur amplius .* Econtrario aqua Symbolum tribulationum & angustiarum est ; hinc rectè memoratus Psalter : *Libera me de aquis multis ,* id est , de tribulationibus , calamitatibus ac miserijs , quæ ut aquæ circumdederunt animam meam .

Verumenimverò B. Virgo & sollicita Mater non aquam , sed vinum pro Neosponfis & convivis postulavit , ut per hoc ostenderetur , futuram illam esse mœrentium & desolatorum advocatam benignissimam , hinc rectè iterum Mellifluus : *Vocem tuam audivimus , inquit ; o Domina rerum ad filium : Vinum non habent ; deficit vinum in cadis nostris , vinum scilicet letificans cor hominis ; vinum querimus , quod germinat virgines ; calix in manu tua , &c .* Et in alio loco idem S. Doctor loquens de mysticis animæ cum DEO nuptijs hæc scribit : *Hic ,* ait , *nonnunquam vinum deficit , gratia scilicet devotionis , & fervor charitatis . Quoties mihi necesse est , fratres , post lacrymosas querimonias vestras , exorare Matrem misericordie , ut suggerat suo benignissimo Filio , quoniam vinum non habeatis ? & ipsa , dico vobis*

S. Bernh. serm. 4. sup. Sal. Reg.

Idem serm. 2. in Dom. 1. post O. Epiph.

his charissimè, si piè à nobis pulsata fuerit, non deerit necessitati nostræ, quoniam misericors est & Mater misericordie.

5. Revertamur pro more nostro ad Scripturam. De Ana, qui fuit filius Sebeonis, recenset Moyses, quòd in solitudine aquas salutariferas, seu thermas aquenses & medicinales invenerit: Iste est Ana, qui Gen. 36. 24. invenit aquas calidas. Plus MARIA, quæ venam vitæ & omnis misericordie reperit: Invenisti gratiam apud DEUM, quem & ge- Luc. 1. 30. neri humano propitium reddidit; proinde rectè à S. Bonaventura S. Bonav. in Spec. c. 25. appellata est Vena vitæ, vena benedicta, & vena misericordie. Mulier illa Thecuitis ultrò ex compassione reconciliationem Absolonis fugitivi & exulis in se suscepit, & Regis Davidis iram mirè placavit: Ecce placatus feci verbum tuum. Quid non poterit misericor- 2. Reg. 14. 25. dissima Virgo, si pro nobis in hac lacrymarum valle exultantibus apud DEUM Patrem, dulcissimùmque Filium intercesserit: Ma- S. Bonav. in Spec. Virg. cap. 8. gna fuit, subintrat hinc rursus Seraphicus Doctor, erga miseros mi- sericordia MARIE adhuc exultantis in mundo; sed multò major erga miseros est misericordia ejus jam regnantis in cælo; majorem per beneficia innumerabilia nunc ostendit hominibus misericordiam, quia magis nunc videt innumerabilem hominum miseriam. Quis est, super quem sol non luceat? Quis est, super quem misericordia non resplendeat?

Eliam Thesbithen famelicum Mulier in Sareptha pane subci- 3. Reg. 17. 9. nericio pavit, & refecit: Surge & vade in Sareptha Sidoniorum, & manebis ibi, præcepi enim ibi mulieri viduæ, ut pascat te. Ex quo re- rum consideranti ingens fides & liberalitas hujus mulieris satis lucu- lenter apparet, dum urgente fame modicum & ultimum farine sibi ad vitam in tanta penuria sustentandam adhuc necessarium liberali- ter Eliæ subministravit. Sed nec minor fuit liberalitas & misericor- dia preciosissimæ Deiparæ, dum in his terris versabatur, ubi ne- S. Bernh. sup missus est. quidem rogata egenorum miseriæ benignè succurrebat: Quid mirum, Gregor. Ni- comed de oblatione Mariae. ait S. Bernhardus, si invocata adest, quæ etiam non vocata presto est? Et observat Gregorius Nicomediensis, B. Virginem in templo ad- huc existentem quotidie cibum suum pauperibus erogasse: Quoti- die, inquit, videbatur ei Angelus loqui, & quasi charissima sorori vel Matri obtemperabat ei, quæ ambrosium nutrimentum de manu Angeli accipiebat, eoque reficiebatur; victum verò, quem à Pontificibus tem- pli accipiebat, pauperibus erogabat, &c. Vide hinc, & perpende ani- ma Christiana, qualiter hæc Sacratissima Virgo longe meliori jure, quàm

Job. 31. 13. quàm olim Princeps Hussæus dicere possit: *Ab infantia mea crevit mecum miseratio, & de utero Matris mee egressa est mecum.*

6. Ad Davidem quondam in spelunca Odolla commorantem confugiebant miseri, afflicti & angustiiati, quas benignè suscepit, & ad omnem justitiam & honestatem instruxit: *Conveniunt ad eum omnes, qui erant in angustia constituti, & oppressi ære alieno & amaro animo, & factus est eorum Princeps.* Omiserunt, ægri, desolati, afflicti, & penitentes, qui ære alieno & pondere peccatorum gravati estis, nec habetis, quomodo & qualiter Justitiæ Divinæ satisfaciatis, ite, & confugite ad filiam Davidis ac Matrem vestram clementissimam, ut per potentissimam intercessionem suam propitium vobis reddat Filium Judicem; ostendit hic quidem nobis Sacratissima vulnera sua, & omnes calamitosos ac delinquentes ad

Matt. 11. 28. se benignè invitat: *Venite ad me omnes, qui laboratis, & onerati estis, & ego reficiam vos.* Sed nescio, quid intus in animo nos reos subinde terreat: Candidè loquor; suprema ejus & judiciaria potestas; sic infans læsus & nocens, vel patris iram metuens primum ad sinum matris accurrit. O-bone JESU! ignosce, quod dicam, spes unica, prima & ultima nostræ salutis tu es, sed scimus,

Matt. 12. 36. te simul esse Judicem districtissimum, qui de omni verbo otioso rationem requires exactissimam, proinde in timore ac tremore coram te nos oportet salutem nostram operari; sed tibi sint laudes immortales, infinitæ, immensæ, quia dedisti nobis Sacratissimam Matrem tuam in subsidium, solatium, refugium, & auxilium, ut, quod infirmitas nostra non potest, ejus nobis intercessione doneatur, unde rectè Nicephorus: *Multa, inquit, petuntur à DEO, nec obtinentur; multa petuntur à MARIA, & obtinentur, non quia potentior sit, sed quia DEUS eam decrevit sic honorare, ut sciant homines omnia per ipsam obtinere posse à DEO.* Audi in solamen tuum &

Niceph. de Laud. Virg. Mellifluum Bernhardum ita misericordiæ Matrem alloquentem: *O Mater DEI & hominis, & Mater Judicis & rei, & Mater Regni & exulis, cum sis Mater utriusque, non decet, ut inter filios discordiam esse patiaris.*

S. Bern. cir. à Pistor. de Matre admirab.

7. Bona Advocata apud Davidem quondam extitit Abigail, mulier sanè prudentissima & blandiloqua, cum enim David belli Dux à Nabale, viro opulentissimo & ingrato annonam pro se & militibus suis peteret, & ille non nisi in eum convicia ac contumelias retorqueret, iratus David statuit, & juravit, se Nabalem cum

cum omnibus suis, & ne carne quidem vivo relicto, interfecturum. Audit hoc fortè prudentissima Abigail, quæ, ut Davidem iratum, & jam cum cohortibus suis ad evertendam Nabalis domum properantem præveniret, citò ei in occursum venit, illumque orationis suadâ & munificentia mirum in modum placavit: *Cum autem* 1. Reg. 25. 24. *vidisset Abigail David, festinavit, & descendit de asino, & proci-*
dit coram David super faciem suam, & adoravit super terram, & ce-
cidit ad pedes ejus, & dixit: In me sit, Domine mi, hæc iniquitas, &c.

Vide hîc, & considera anima Christiana in Abigail insignem Sacratissimæ Virginis MARIÆ typum, omnium miserorum & afflictorum potentissimæ apud DEUM Advocatæ & Patronæ, si enim in nuptijs Cananæis ad illius instantiam Christus Dominus non solum memoratos Neosponfos, sed & omnes convivæ præsentis primo miraculo honoravit, & optimo vino consolatus est, quid modò ad illius intercessionem faciet in cælo? Audi in hanc rem S. Bernhardinum Senensem: *Mater, inquit, in nuptijs in Cana* S. Bernhar-
Galilææ interpellat, ac si ad eam cura omnium pertineret, & omnium din. de Sen.
hominum advocatam se sentiens, que præ omnibus creaturis cunctarum serm. 9. art.
facta fuerat Virgo Mater, officium advocationis & piæ auxiliatricis as- 3. cap. 2.
sumpsit etiam non rogata.

Soler autem hæc benignissima Virgo afflictis in omni statu conditione libentissimè compati, quia omnium afflictiones & ipsa experta est. B. Ivo Presbyter, & in utroque jure apprimè exultus in judicij pauperum & derelictorum causas gratis ob amorem DEI & proximi in se suscepit defendendas, quod modò pauci Juristæ sine minervalis compensatione facere assolent. Verumenimverò hæc Sacratissima Virgo omnium pauperum, afflictorum & desolatorum totius mundi, si velint, & ad ipsam recurrerint, Patrona & Advocata apud DEUM esse discipit, Virginum comprimis, quia & ipsa semper Virgo permansit; Conjugatorum, quia & ipsa conjugij miserias experta est; Viduarum, quia & ipsa vidua extitit Sponso & Filio orbata; pauperum & calamitosorum omnium, quia cum ipsis in hac vita mortali semper coafflicta fuit; proinde rectè cum S. Augustino & Ecclesia oramus: *Sancta MARIA succurre miseris,* S. Aug. ser.
juva pusillanimes, refove flebiles, &c. Et cum S. Bonaventura: *As* 28. de Sanct.
siduè roganda est MARIA, & congratulatio beatitudinis ejus sit semper S. Bonav. in
apud nos, ut compassio miseriæ nostræ sit semper apud eam. Spec. B. Virg
cap. 9.

O ani-

Joel. 2. 19.
2. Cor. 1. 2.

Isa. 49. 15.

O animæ Christianæ, desolatæ, afflictæ & mille objectæ mi-
serijs, ne cedite malis, annuntio vobis gaudium magnum, DEUM
habebitis verè benignum, verè clementem, ac prestabilem super ma-
litiâ, imò & Pater est misericordiarum & DEUS totius consolationis,
sed nec Mater vobis deest, verè Mater misericordiæ, dum enim mi-
sericordiam Virgo genuit, meritò Mater misericordiæ, prout illam
appellat universa Ecclesia, effecta est: Et nunquid potest Mulier ob-
livisci infantem suum, ut non misereatur filio uteri sui? Et si illa ob-
lita fuerit, ego tamen (ait misericordiarum Mater) non
obliviscar tui, in corde enim meo descri-
psi te.



CON-